

## Call for projects: seria documentara 2025 da la SRG SSR

### Reglament

La SRG SSR lantscha ina nova publicaziun da concorrenza per coproducir ina seria documentara.

#### 1. Finamira

La finamira da questa publicaziun da concorrenza è da coproducir ina seria documentara che vegn integrada en la purschida da program da la SRG SSR e da sias unitads d'interpresa (RTR/RSI/RTS/SRF).

#### 2. Cundiziuns generalas

- a) La seria documentara cumpiglia 3 fin 6 episodas da 30 fin 50 minutas
- b) Il tema duai esser d'interess naziunal ed adattà per in vast public
- c) Naginas directivas areguard il cuntegn, tut ils subgenres èn pussaivels: factual, investigativ, reportascha, true crime, istorgia contemporanea cun material d'archiv, euv.
- d) La seria documentara vegn publitgada primarmain sin las plattafurmas online da la SRG SSR (digital first) ed er emessa sin ils chanals linears.

#### 3. Persunas che pon sa participar

La concorrenza sa drizza a firmas da produzioni independentas cun sedia en Svizra.

#### 4. Participaziun finanziaria da la SRG SSR

La SRG SSR sa participescha cun maximalmain CHF 500'000. La firma da produzioni segirescha la finanziaziun restanta (agens meds, Succès passage antenne, Fond da produzioni televisuala, promoturas e promoturs regionals, fundaziuns, euv.).

Coproduziuns èn pussaivlas.

#### 5. Procedura da selecziun

Da las inoltraziuns vegnan envidads per in pitching ils projects ils pli empermettents.

L'examinaziun dals dossiers e la decisiun fa la gruppa naziunala Pacte (persunas responsablas per ils films documentars Pacte da RTR, RTS, SRF e RSI, sut la direcziun da la DG SRG SSR). En pli accumpogna la redacziun responsabla da l'unitad d'interpresa respectiva il project.

#### 6. Versiuns linguisticas

La seria documentara sto vegnir furnida en trais versiuns linguisticas sincronisadas cumplettaimain cun titels e graficas correspondentas.

## 7. Termis

- Publicaziun da la concorrenza venderdi, ils 31-01-2025
- Termin d'inoltraziun **venderdi, ils 28-03-2025**
- Pitching dals projects preselecziunads mardi, ils 29-04-2025, a partir da las 11.00 a Berna (p.pl. reservar la data) enfin la fin da matg 2025
- Decisiun

## 8. Dossier da candidatura

La dumonda sto vegnir inoltrada en tudestg, franzos u talian.

Il dossier da candidatura sto cuntignair ils suandants documents:

- concept general: scenari, motivaziun, descripciun dal project, consentiment da las personas participadas
- budget detaglià e plan da finanziaziun
- biografia curta dad il:la producent:a / autur:a / reschissur:a

Ils document ston vegnir inoltrads en furma digitala sin Data Pacte.

## 9. Contract e dretgs

Il project selecziunà survegn ina decleraziun d'intenziun. Uschespert che la finanziaziun restanta è terminada, fa la SRG SSR in contract da coproducziun Pacte cun ils:las producent:as. Ils:las producent:as decleran cun inoltrar ils documents da disponer da tut ils dretgs al project e da surdar en cas che lur project vegnia selecziunà tut ils dretgs d'emetter (online e TV) per 15 onns a la SRG SSR.

## 10. Persunas da contact da la SRG SSR

Giulia Fazioli	<a href="mailto:giulia.fazioli@rsi.ch">giulia.fazioli@rsi.ch</a>
Bertilla Giossi	<a href="mailto:bertilla.giossi@rtr.ch">bertilla.giossi@rtr.ch</a>
Bettina Hofmann	<a href="mailto:bettina.hofmann@rts.ch">bettina.hofmann@rts.ch</a>
Steven Artels	<a href="mailto:steven.artels@rts.ch">steven.artels@rts.ch</a>
Urs Augstburger	<a href="mailto:urs.augstburger@srf.ch">urs.augstburger@srf.ch</a>
Sven Wälti	<a href="mailto:sven.waelti@srgssr.ch">sven.waelti@srgssr.ch</a>
Gregory Catella	<a href="mailto:gregory.catella@srgssr.ch">gregory.catella@srgssr.ch</a>

<https://www.srgssr.ch/de/pacte-de-laudiovisuel/>

Berna, ils 31 da schaner 2025